

# INUIT ATAQATIGIIT

## INATSISARTUNI



Aasiaat 22. september 2020

Inatsisartut suleriaasianni § 37 naapertorlugu Naalakkersuisunut imaattunik apeqqute-qarpunga:

- 1. Ikamiuni aalisakkanik tunisassiorfik 2018-mili sikuliorfimmik utaqqisaqalerpoq. Qaqugu sikuliorfittaarnissartik naatsersuutigisinnaavaat?**
- 2. Aalisakkanik tunisassiorfiup qerinasuartitsivia mikivallaalersimavoq. Allilerneqarnissaa Naalakkersuisunit pilersaarutigineqarnerpa?**
  - a. Aappiuppat tamanna qaqugu piviusinngortinneqassava?**
- 3. Tunisassiorfik nutaamik kranitaarnikuugaluarpoq, ajoraluartumilli sannarlutaasimalluni allaat aquutaa pitsaasunani tamakkiisumik atorneqarsinnaanani allaat ulorianarsinnaalluni. Aquutissaa nutaaq utaqqineqarpoq. Qaqugu aquut nutaaq Ikamiunut tikisinneqassava?**
- 4. Umiarsualivimmiit tunisassiorfimmu assartuutaasinnaasut amigaatigineqarput. Allaat assartuutaasinnaasunik Pilersuisumut attartortariaqartarlutik. Tunisassiorfik nammineq assartuuteqalernissaa Naalakkersuisuniit pilersaarutigineqarpa?**
- 5. Tassunga tunngasumik allanik Naalakkersuisut ilisimatitsissutissaqarpat?**

**(Peter Olsen Inuit Ataqatigiit)**

### **Tunngavilersuut**

Ikamiuni Aalisakkanik tunisassiorfik atorluarneqarpoq. Ajoraluartumilli paasinarsivoq tunisassiorfimmi pissutsit pitsaavallaanngitsut. Kingoraartissanik tikittoqarnissaa nersiorsuutigineqartaraluartoq taamaattoq ajornartorsiutinik aaqqiisoqarnissaa utaqqikatanneqartalersimavoq.

Taamatut tunngavilersuuteqarlunga matumuuna apeqquteqaatiga ingerlateqqippara.

Kissaatigaaralu apeqqutima ullut qulit iluanni akineqassasoq.